

04 JAN, 2021

MAFI pastikan bekalan makanan negara mencukupi - Che Abdullah

Harakah, Malaysia

Page 1 of 2

MAFI pastikan bekalan makanan negara mencukupi - Che Abdullah

Oleh NOR HAZWANI NOH

SOROTAN 2020 Timbalan Menteri Pertanian Dan Industri Makanan (MAFI). Dato' Che Abdullah Mat Nawi.

TAHUN 2020 merupakan tahun paling mencabar berikutan penularan wabak pandemik Covid-19 yang memberi impak kepada seluruh rakyat mahaen, pihak kerajaan hinggalah kepada pemimpin di seluruh negara.

Sepanjang tempoh Perintah Kawalan Pergerakan (PKP) dilaksanakan, antara cabaran besar yang dihadapi oleh Timbalan Menteri Pertanian dan Industri Makanan (MAFI) II, Dato' Che Abdullah Mat Nawi adalah perlu memastikan bekalan makanan sentiasa mencukupi bagi menampung permintaan penggunaan sepanjang tempoh tersebut.

Pada awal Mac lalu, beberapa isu berkaitan status pembekalan, pemasaran dan penghantaran bekalan makanan telah timbul.

Namun, setelah melalui mesyuarat khas bersama exco-exco pertanian negeri beberapa kaedah penyelesaian, pendekatan yang lebih sistematik dan terperinci telah dikenalpasti bagi membantu petani, penternak serta nelayan dalam memasarkan hasil pertanian.

Dalam masa yang sama, untuk memastikan rakyat mendapat bekalan makanan mencukupi, MAFI telah membuka bilik gerakan pemantauan krisis Covid-19 sepanjang tempoh PKP.

Kementerian juga melalui agensinya FAMA telah membuka pusat jualan barangan segar terkawal di 97 lokasi di seluruh negara.

Pada April, Che Abdullah telah mengadakan lawatan ke kilang beras Syarikat Faiza Sdn Bhd di Subang Jaya, Selangor bertujuan melihat stok bekalan beras.

Beliau memaklumkan kedudukan stok beras dalam negara di peringkat kilang, borong dan runcit sentiasa pada kadar konsisten iaitu purata 400,000MT-500,000MT setiap masa.

Dalam pada itu, beliau turut memberi jaminan bekalan ikan dan hasil laut mencukupi sepanjang tempoh PKP malah negara Malaysia sendiri mengeluarkan lebih daripada keperluan.

Pada Mei, Che Abdullah telah mengadakan lawatan di tapak Projek Kelapa Berkelompok di Kampung Kelong, Tumpat, Kelantan.

Beliau memaklumkan penanaman kelapa di negeri itu berpotensi diperluaskan bagi menyediakan



Dato' Che Abdullah Mat Nawi menyempurnakan Majlis Pelancaran Produk Inovasi Makanan MARDI di MARDI Pasir Puteh baru-baru ini iaitu Lof Surimi Berdagang, Burger Ikan dan Kopi Pracampuran Ekstrak Pegaga.

bekalan secara berterusan air nira sama ada dijadikan gula melaka atau minuman.

Beliau berkata permintaan tinggi produk yang dihasilkan daripada nira kelapa itu masih relevan setiap masa.

Di samping itu, nilai hasil jualan pertanian dan perikanan menerusi e-dagang Shopee Malaysia bagi dua kedai rasmi Agrobazaar Lembaga Pemasaran Pertanian Persekutuan (FAMA) dan Persatuan Nelayan Kebangsaan (NEKMAT) catat hasil jualan bernilai RM250,000.

Pada Jun, Che Abdullah telah mengadakan beberapa lawatan untuk menyampaikan bantuan khususnya bagi industri perikanan dan pertanian di Terengganu, Johor dan Kelantan.

Lawatan diadakan untuk menyampaikan Bantuan *Touch Point* untuk kiosk dan peralatan sokongan perikanan iaitu pukot tiga lapis dan kit keselamatan nelayan yang bernilai RM50,000 kepada tiga orang wakil 42 orang ahli di Jabatan Perikanan Negeri Terengganu di Daerah Besut.

Seterusnya, beliau telah membuat lawatan ke Pusat Pemprosesan serta Pengumpulan Buah dan Benih PPTN Alor Bukit, Pekan Nenas, Johor.

Katanya produk yang dihasilkan daripada nanas bukan hanya buah dan produk makanan sahaja, malah daunnya juga turut boleh diproses menjadi silaj dan benang.

Beliau turut menyempurnakan penyerahan Geran Agropreneur

Penanaman kelapa di negeri itu (Kelantan) berpotensi diperluaskan bagi menyediakan bekalan secara berterusan air nira sama ada dijadikan gula melaka atau minuman.

Muda bernilai RM120000 kepada 6 orang usahawan muda nanas.

Kemudian beliau meneruskan perjalanan menerusi Program Jelajah Agropreneur Muda Negeri Kelantan 2020 yang berlangsung di Dewan Pejabat KADA, Jajahan Tumpat, Kelantan.

Beliau turut menyempurnakan majlis perasmian dan Penyerahan Geran Agropreneur Muda yang berjumlah RM752,968 kepada 43 orang usahawan daripada agensi-agensi di bawah Kementerian.

Seterusnya Che Abdullah membuat lawatan kerja ke Lembaga Kemajuan Pertanian Muda (MADA) dan menyempurnakan pelancaran logo Sambutan Jubli Emas Ulang Tahun ke-50 penubuhan MADA.

Pada Julai, Che Abdullah turut bersama menyambut kunjungan hormat Menteri Pembangunan Usahawan dan Koperasi (MEDAC), Dato' Seri Dr Wan Junaidi Tuanku Jaafar di Kementerian Pertanian dan Industri Pertanian (MAFI) di Pejabat Menteri Pertanian dan Industri Pertanian, Dato' Seri Dr.

Ronald Khandee.

Kunjungan diteruskan dengan perbincangan kerjasama strategik antara MAFI dan MEDAC.

Seterusnya, Che Abdullah mengadakan lawatan ke ladang Eco-Yap milik Dato' Yap Yun Fook di Keningau, Sabah.

Ladang yang diusahakan Yap Yun Fook itu menjadikan susu sebagai produk utama selain nanas, ikan, sarang burung walit, tanduk rusa, baja tinja dan beberapa benih tanaman buah-buahan seperti durian, nangka dan rambutan.

Yang menarik perhatian Che Abdullah adalah ladang Yap Yun Fook mengamalkan sistem integrasi yang sangat sistematik, efisien dan optimum.

Sebagai contoh lembu-lembu tenusunya diberi makan rumput napier yang ditanamnya sendiri. Manakala hasil tinja lembu pula dijadikan baja untuk rumput napier yang ditanamnya. Selain itu, hasil tinja lembunya juga ada yang dikumpulkan, dikeringkan dan dibungkus untuk dijadikan baja organik.

Tambahan, Yap Yun Fook juga turut memelihara kambing tenusu untuk produk susu kambing.

Dalam pada itu, MAFI telah membuat pelbagai usaha dan perancangan bagi menarik minat belia dalam sektor pertanian dan industri pembuatan makanan antaranya menubuhkan Unit Agropreneur Muda.

Beliau berkata Program Agropreneur Muda menawarkan tiga perkhidmatan iaitu bantuan ge-

ran sehingga RM200,000 pinjaman hingga RM200,000 dan bimbingan teknikal kepada semua belia.

Pada Ogos, Che Abdullah mengadakan lawatan kerja di Pelabuhan LKIM Chendering, Terengganu.

Melawat pelabuhan seluas 41 hektar boleh memuatkan kapasiti pendaratan sebanyak 24,000 MT dan rekod nilai pendaratan ikan tertinggi pada tahun 2012 iaitu sebanyak 17,109.09 MT.

Kata beliau, terdapat isu mendapatkan pasir di dalam harbour basin yang menjadi isu utama di pelabuhan ini yang menyebabkan bot-bot tidak dapat masuk untuk melakukan pendaratan tangkapan dan telah mendapat perhatian Kementerian untuk tindakan selanjutnya.

Memasuki bulan September ke kampung Tiruk, Gual Ipoh, Tanah Merah untuk merasmikan Pusat Jualan Produk Hiliran AK Puyuh Emas Enterprise yang dimiliki oleh Abdul Khairan.

Usahawan puyuh itu merupakan salah seorang daripada lapan usahawan dari negeri Kelantan yang menerima pembiayaan daripada MAFI melalui Lembaga Pertubuhan Peladang (LPP) di bawah Program Tabung Pembangunan Usahaniaga Peladang (TPUP) pada tahun ini.

Pada Oktober, Che Abdullah mewakili Malaysia sebagai Ketua Delegasi dalam APEC Virtual Ministerial Policy Dialogue On Food Security 2020 yang mana ia julung kalinya dianjurkan oleh MAFI secara maya.

Peraksanaan itu diadakan bagi berkongsi pandangan mengenai strategi-strategi berkaitan polisi sekuriti makanan dalam menghadapi ancaman Covid-19 dan memastikan sekuriti makanan di rantau Asia Pasifik terus proaktif, berdaya tahan dan mampan.

Pada November, MAFI telah membelanjakan dana sebanyak RM800,000 bagi membantu golongan nelayan di seluruh negara sepanjang tahun ini.

Beliau berkata ia merupakan sebahagian daripada dana sebanyak RM1.5 juta yang diperuntukkan kepada MAFI. Peruntukkan itu meliputi sumbangan kebajikan serta bantuan bencana kepada golongan nelayan yang di timpa musibah.

Melalui tirai Disember 2020, Che Abdullah telah melancarkan tiga produk inovasi makanan baharu iaitu Lof Surimi Berdagang, Burger Ikan dan Kopi Pracampuran ekstrak Pegaga di bawah Institut Penyelidikan dan Kemajuan Pertanian Malaysia (MARDI).



04 JAN, 2021

MAFI pastikan bekalan makanan negara mencukupi - Che Abdullah

Harakah, Malaysia

SUMMARIES

SOROTAN 2020 Timbalan Menteri Pertanian Dan Industri Makanan (MAFI). Dato' Che Abdullah Mat Nawi. TAHUN 2020 merupakan tahun paling mencabar berikutan penularan wabak pandemik Covid-19 yang memberi impak kepada seluruh rakyat marhaen, pihak kerajaan hinggalah kepada pemimpin di seluruh negara.